



ज्वजलपा वाह्यो

JWOJALAPA WEEKLY

दैं द ल्या: २५ (पूर्णडक १७२) ने. सं. ११३८ सिल्लागा एकादश आइतवा: २०७४ माघ २८ गते आइतवार (Feb- 11, 2017)

मू द | - पृष्ठ ६

पार्टी अध्यक्षपाखें दुघा: जुल: शाक्य



**‘अध्यक्ष ओलीया तहपाखें थ:
विरुद्ध चरम गुटबन्दी जुल’**

ज्वजलपा वा:पौ /

नेकपा एमालेया वरिष्ठ उपाध्यक्ष अष्टलक्ष्मी शाक्ययात चुनाव न्ह्य:निसें हे प्रदेश ३ या भावी मुख्यमन्त्रीया रूप कयात:गु दु । तर, संसदी दलया नेताया चुनावय शाक्ययात बना डोरमणि पौडेल त्यायेवं आ: पौडेल हे मुख्यमन्त्री जुइगु निश्चित जूगु दु । एमालेया वरिष्ठ उपाध्यक्ष अष्टलक्ष्मी शाक्य चुनावय बूगु खँयात कया: यक्व हे नेवा:त नाप नाप आदिवासी जनजाति व मिसा अभियान्तापिन्सं यक्वसिन्सं अनेपक्षित हारया रूप का:गु दु ।

शाक्यं धयादी, ‘जिगु इतिहास दुनियाँया न्ह्य:ने दु । जिं गुटबन्दी मयाना । जि २०२८ सालनिसें ख: थुगु पार्टीइ जुयागु । २०३६ सालनिसें हे भूमिगत जुया: ज्या याना । पार्टीइ ज्या यानावलय मचा बूगु इलय नं जिं विदा मकया ।’वरिष्ठ

उपाध्यक्ष अष्टलक्ष्मी शाक्यं थ: न्याक्व:गु महाधिवेशननिसें निरन्तर केन्द्रीय कमिटीइ दूगु खँ न्ह्यथनादिसें प्रदेश संयोजकया हैसियतं थ:त हे मुख्यमन्त्री यायेगु धका: पार्टीया सचिवालयं प्रदेशय छव:गु खँ कनादीगु दु । वयकलं धयादी, ‘थौं वया: चरम गुटबन्दीया शिकार जुल । जित: जीवनय दकले त:धंगु दु:ख हे थ्व जूगु दु ।’

पत्रकारतलिसे खँ ल्हायेगु भ्बलय अष्टलक्ष्मी शाक्य चुनावय बुइधुंका: छम्ह मिसा मुख्यमन्त्री जुइगु ह्व:ता: चूलाकेत पार्टी दुनेया शीर्ष नेतातपाखें हे पहल मजगु खँ नं पिहाँ व:गु दु । शाक्यं शीर्ष नेतातसें पहल मया:गुसिन्सं नं पहल मगा:गु धयादी । वयकलं धयादी, ‘नेकपा एमाले पार्टी छगु इतिहास कायम यायेगु ह्व:ता: दूगु ख: । तर, दकले दु:ख जूगु ख: छु धा:सा, अध्यक्षयात

नापला: वनावलय छु दु स्थिति धयादिल । जि त्याइ, छिं ग्वाहालि यानादिसैं धया । अध्यक्ष बुइगु कथं चुनावय दनेमते धयादिल । जि त्याइ व ग्वाहालि यानादिसैं धयावलय अयसां दनादिसैं धयादिल अध्यक्ष ।’

शाक्यं धयादी, ‘तर, पार्टी नेता केपी शर्मा ओली थये याना: छकेयाये ज्यूला ? आ: वया: सभामुख का धयावलय माने मजुल धका: प्रचार या:गु दु । सभामुख जु धायेवं जि मानेजुइम्ह मनू हे मखु । तर, अध्यक्षया तहपाखें जि विरुद्ध चरम गुटबन्दी जूगुलिं स्तब्ध जुयागु दु ।’पार्टी वरिष्ठ उपाध्यक्ष लिसें ३ नम्बर प्रदेशया संयोजक तक जुयादीम्ह मयजु शाक्यं प्रदेशया सांसदपिन्त चले-फैथे क्नेगु या:गु दु व सुथय तप्यक भोट कुर्केगु थासय हल धयादिसैं वयकलं थ:त मुख्यमन्त्री जुइके मविइत गुटया

चरम प्रयोग जुल व जि गुटबन्दीया शिकार जुल ।

मुख्यमन्त्रीया दावी अन्तिम ई तक याना नं चुनावय दना मदीम्ह एमालेया नेता राजेन्द्र पाण्डे तक एमाले दुने निगू गुट दुगु अले निगू गुट निम्ह उम्मेदवार जूगु सार्वजनिक रूपं न्वंवानादीगुलिं अन्तत थुगुसीया ३ नम्बर प्रदेशया चुनावय गुटबन्दी जुया माधव कुमार नेपालया गुटयाम्ह जूगु कारणं हे अष्टलक्ष्मी शाक्य पराजित जूगु ख: धका: धायेछिं ।

एमाले ३ नम्बर प्रदेशया मुख्य मन्त्री अष्टलक्ष्मी शाक्ययात मयाइगु अवस्था व्वलंगुलिं नेवा:तयसं यक्व हे चिउता कयाह:गु दु । अष्टलक्ष्मी शाक्यया विरुद्ध चुनावय ल्वनान त्याकादीम्ह डोरमणि पौडेलया प्रस्तावकय नेवा: हे सांसद केशव स्थापित च्वनादीगुलिं मन्तयसं अर्थपूर्ण रूपं कयाह:गु दु ।

३ नम्बर प्रदेशय
नेवा: व तामाड सभामुख व
उपसभामुख छाया ?



ज्वजलपा वा:पौ

नेकपा एमाले प्रदेश ३ या संसदीय दलया नेता डोरमणि पौडेल निर्वाचित जुइधुंका: सभामुख सानुकुमार श्रेष्ठ जुइगु व माओवादी केन्द्रया राधिका तामाड उपसभामुख जुइगु निश्चित जूगु दु । नेवा: व तामाडतयगु बाहुल्यता दुगु ३ नम्बर प्रदेशय पौडेल मुख्य मन्त्री जुइ धुंका: नेवा: व तामाडयात सभामुख व उपसभामुख मबिल धा:सा कन्हय बना समस्या वयेफु धका: तायेका नेवा: व तामाडतयत हेयेकेत अथे पद विउगु खयेमा: धका: अनुमान यानाह:गु दु ।

सभामुखया उम्मेदवार जुइत्यंम्ह सानुकुमार श्रेष्ठ एमाले पोलिटब्यूरो दुज: ख: । येँ क्षेत्र नम्बर २ पाखें प्रदेशसभा दुज: निर्वाचित श्रेष्ठ नं मुख्यमन्त्रीया दावेदार ख: । श्रेष्ठयात सभामुख यायेगु कथं व्याक या:गु ख: । येँ जिल्ला विकास समितिया सभापति जुइधुंक्म्ह श्रेष्ठ पार्टी दुने पुलांम्ह नेता ख: । श्रेष्ठ २०६४ सालया न्हापांगु संविधानसभा निर्वाचनय येँ क्षेत्र नम्बर १० य माओवादी नाय: पुष्पकमल दाहाल प्रचण्डलिसे पराजित जूगु ख: । वाम भागवण्डय उपसभामुख का:म्ह माओवादी केन्द्र नं उम्मेदवार क्वाचायेकूगु ख: । माओवादीपाखें राधिका तामाड उपसभामुखया उम्मेदवार जुयादीगु दु । पूर्वराज्यमन्त्री तक जुयादीम्ह राधिका तामाड नुवाकोटपाखें प्रतिनिधिसभाय निर्वाचित जुयादीम्ह ख: ।



नेवा: भाय् नेवा:तयगु नुग: ख: धइगु भावनायात ज्वना
नेपालभाषाया माध्यमं संचार विकास जुल धा:सा धात्थें
नेवा: ख्य: न्ह्य:ने वनी धइगु तायेका नेवा: भासं पत्रकारिता
विकास यायेगु जिमिगु अभियान

दच्छिया स्वस: तका (३००।-) जक
ग्राहक जुयादिसं अभियानय साथ बियादिसं



ज्वजलपा वाह्यो

स्वापू: निखासी त्वा: किपू नपा-३
फोन ल्या: ४३३३००७, ९८४१४०१०७७



ज्ञाजलपा वा.पौ

सल्लहकार

प्रा. डा. शिवशरण महर्जन, प्रयागमान प्रधान

प्रकाशकः

नजरराम महर्जन

सम्पादक

श्रीकृष्ण महर्जन

ले-आउटः

ज्वजलपा डेस्कटप

संवाददाता: भरत महर्जन, रामभोला महर्जन, निरजमान सिंह

थाकू: प्रिन्ट स्काई, येँ

ज्याकू: निखासी त्वा: किपू नपा-३

फोनल्या: ४३३३००७, ९८४९४०९०७७

ई-मेल : jwojalapaweb@gmail.com

सम्पादकिय

एमाले व माओवादी केन्द्रया नेतातयूत पार्टी एकताया हाथ्या

एमाले व माओवादी केन्द्र एकताया निति कुतः जुयाचवंगु अवस्थाय माओवादी केन्द्र निकत किराती राष्ट्रिय मुक्ति मोर्चा माओवाद व पहिचानया मुद्दायात पाखा लगेयाना एमालेलिसे पार्टी एकता जुइमखु धकाः निष्कर्ष पिकाःगु दु । वंगु ह्युं दिं न्हयः जक माओवादी केन्द्रया पेरिसडाडाय चवंगु बैठकं उगु कथं निर्णय याःगुलिं किराती राष्ट्रिय मुक्ति मोर्चाया पलाःयात कया एमाले व माओवादी केन्द्रया नेता हे अजूचाःगु दु । मोर्चा ला वैचारिक पक्षयात ध्यान मबिउसे प्राविधिक रुपं जक पार्टी एकता यात धाःसा उकिं दुर्भाग्यपूर्ण जुइ धकाः ख्याचवः तर्क बिउगु खः ।

किराती मोर्चा अथे निर्णय याःगु अले एमाले माओवादी केन्द्रया अध्यक्ष प्रचण्डयात एकीकृत पार्टीया अध्यक्षया रुपय स्वीकार मयायेगु संकेत बिउगु नापं माओवादी केन्द्रया अध्यक्ष प्रचण्ड हाकनं थःपिं माःगु कथंया मूलेफु धकाः तर्क संकेत बियादीगुलिं निगू पार्टीया एकतायात कया अवश्य नं समस्या ब्वलंगु दु धकाः धायेफइगु अवस्था वःगु दु ।

आः दक्ले तःधंगु पार्टी जूगु नेकपा एमाले व स्वंगु पार्टी जूगु माओवादी केन्द्र निगुलिं पार्टीया शीर्ष नेतातयूसं पार्टी एकता धयाचवंगु जूसां नं ता ई न्हयःनिसे कुतः याना नं आः तर्क नं पार्टी एकताया खाका तर्क तयार याये मफुगु धइगु ह्युं नं ह्युं समस्या हे वःगु खः अले निगू हे पार्टीया अध्यक्ष ओली व प्रचण्डयात पार्टी दुने हे तःधंगु दबाव वयाचवंगु खयेमाः धकाः मनूतयूसं अःपुक हे अनुमान यानाहःगु दु ।

गजल शौरभ शाक्यया

गजल-६१

गबले नं चवसा ज्वइ, छंगु मिखाय ख्ववि मन सूकार्थे स्वइ, छंगु मिखाय ख्ववि ।

छंगु जिगु दथुइ पखाः, पंगः जुया दंबइ स्याघाःलं न्वतु न्वइ, छंगु मिखाय ख्ववि ।

खुसिया दथुइ लाइ, नाउचा गन भंगीगु छंगु जिगु नुगःखइ, छंगु मिखाय ख्ववि ।

गुवसं नं महायेमाः, छप्ति ख्ववि मिखालं सुयां नुगलय ध्वइ, छंगु मिखाय ख्ववि ।

छंगु ख्वाल्य छभाःन्हिलासु, जि लयताव उबले पपू मदुसां जि ब्वइ, छंगु मिखाय ख्ववि ।



नेपालं पिने नेवाः संस्कृति व नेपालभाषा

—श्रीलक्ष्मी श्रेष्ठ

न्हापा न्हापा आपाः यानाः मनूत ब्वनेत व ज्या सयेकेत जक नेपालं पिहां वनीगु खः । ब्वने सिधलकि, ज्या सलकि थःगु देशय तुं लिहां वयाः थःथःगु विषय कथं मिले जुथाय ज्या याना जीवन यापन याइगु खः । तर थौकन्हे ब्वनाकथं नेपालय ज्या मदइगु व आयस्रोत म्हो जुया वसेलि मनूत गन देशय व्वं वन अन हे ज्या माला च्वनीगु जुल । देशं विदेशय विद्यार्थी भिसां व श्रमिक भिसां पिहां वनीपनिगु ल्याः नं न्हिया न्हियं द्रुतगति अप्चयाः वल । थःगु देशय छुं छुं राजनैतिक परि वर्तन वःसां देश व आम जनतायात भिकेगु गतिलाकेगु खास छुं मजुगुलिं हे कर्किया देशय वनाः थाकु अःपु मधासे लूगु ज्या यानाः आय आर्जन यानाः म्वाइपनिगु संख्या अप्चयाः वःगु खः ।

निगूगु विश्व युद्ध लिपा विश्वया आर्थिक, राजनीतिक व सामाजिक स्थितिइ तिब्रगतिं परिवर्तन वयाचवंगु दुसां नेपालय धाःसा आःतलें नेपाःमितय जनजीवनय उलि ह्युपाः वयेफूगु मदुनि । थःगु देशय म्वाये थाक्याः, जीवनस्तर थकाये थाक्याः हे मनूत गन देशय ज्याछिं अन वनीगु जुयावःगु खः । न्ह्यात्ये हे गरिवगु देश धाःसां नेपाल प्राकृतिक स्रोतया धनिगु देश खः धइगु संसारं स्युगु खं खः, तर सत्ता व शक्ति ल्हातय कयाचवपिसं थःगु देशय दुगु स्रोत साधनयात माःकथं छ्यलाः जनतायात ज्या विइगु व देशय माःकथं विकास यायेगु खंय बालाक च्यूताः कयाचवंगु खनेमदु । नेपालय वःगु थीथी ईया राजनीतिक ह्युपालं जनतायात उलि उपलब्धि जुइ फूगु मदु । भिदंया माओवादी जनयुद्धया लिपा २००६ सनय नेपालय गणतन्त्र ला वल तर नेपाःमिया जनजीवनय छुं उपलब्धिपूर्ण ह्युपाः मवः । २००६ सनया ह्युपाः लिपा ला जनताया जीवनस्तर थकायेगु छुं ज्या जुइमफुगुया लिचः नेपाःया ल्यायमह

पुस्ता भन भन हे देशपिने वाः वनाचवंगु खनेदु । थुकें नेपाःया भविष्यय तच्चकं वामलाइगु अनुमान सकस्यां यानाचवंगु दु ।

छुं जातिया म्हसीका धयागु इमिगु भाय व संस्कृति खः । काचाक स्वयेवलय सुं नं मनू छुं देशं वःमह छुं जातियाम्ह धकाः धाये थाकु । तर अमिसं ल्हाइगु भाय न्यनाः व हनीगु संस्कृति स्वयाः मेपिं स्वया भिन्नता खका हे व मनू गनं वःमह, छुं जातियाम्ह धकाः सिइका च्वनी । थःगु छें, बुँ, छेंजः, पासापिं, थःथिति सकतां ययेकं मयेकं त्वःताः तापाक कर्किया देशय वंसां, कर्किया लातवात फयाः, वा वः फय वः थाकु अःपु छुं मधासे ज्या सनाः जीवन यापन यानाच्वनी । अथे खःसां नं थःगु संस्कार, संस्कृति व भाषा धयागु मनूतयू ल्यू ल्यू गन गन वन अन अन ईपिं नापं हे थ्यनाच्वनी । थः धयागु लोमकाः कर्पिं जुया वपिनिगु ला छुं खें हे मन्त तर नेवाः भाय व संस्कृति त्येकेमाः धाईपिं नेवाःतयूसं संसार या गुगु नं देशय च्वनाः, अति व्यस्तगु जिन्दगी हनाः नं थःगु भाय व संस्कृति प्रति च्यूताः कयाचवंगु दु । थःगु भाय व संस्कृति त्येकेत फक्व कुतः यानाचवंगु दु ।

विश्वया आपालं देशय भी नेवाः तताकेहें दाजुकिजापिं थ्यनाचवंगु दु । वयकःपिसं थः थ्यंथाय अनेक नेवाः संगठनत दयेकाः ज्या यायेगु यानाचवंगु दु । गथे अमेरिकाय स्वल धाःसा 'नेपाः पासा पुचः अमेरिका' स्वने ज्या जुल । वयालि 'नेवाः अर्गनाइजेशन अफ अमेरिका' नीस्वन । नेवाः अर्गनाइजेशन अफ अमेरिका नीस्वनाली थुकिया कचा पुचःत अमेरिकाया थीथी राज्य गथे सियाटल, नर्थन क्यालिफोर्निया, साउथन क्यालिफोर्निया व ल्योरिडाय थ्यंक नं स्वनातःगु दु । थुपिं थी थी कचा पुचतयूसं व नेवाः अमेरिकन दबू सिकागो, न्यूयोर्क नेवाः गुथि, नेवाः नखः

न्यूयोर्क, नेवाः अर्गनाइजेशन अफ न्यू इग्लैन्ड (बोस्टन), नेपाल नेवाः एशोसेसन अफ टेक्सस, नेवाः अर्गनाइजेशन अफ बाल्टिमोर, पोर्टलान्ड आदितयूसं अमेरिकाया थी थी थासय दक्कभनं उलि हे गतिविधि न्ह्याकाचवंगु दु । अथेहे क्यानाडाय क्यानेडियन नेवाः गुथि, नेवाः कल्चर सोसाइटी अफ अल्बर्टा क्यानाडां नं थीथी ज्याभवःत न्ह्याका वयाचवंगु दु ।

नेवाः अर्गनाइजेशन अफ अमेरिकां दयदसं थःपिनि दै मुंज्या यानाः नेवाःत छुंथाय मुंकेगु, नेवाः सांस्कृतिक कार्यक्रमत वयेगु, यःमरि पुन्हि बलय मस्तयत यःमरि दयेकेगु स्यनेगु, सिथि नखः बलय चतांमरि दयेकेगु, पाहााचःहे माने यायेगु, यैयाःपुन्ही बलय कुमारी, पुलुर्कास पिथनाः समय द्रं वयेगु, स्वस्थानी धलं दंकेगु, मस्ततयत नेवाः संस्कार स्यने कथं मस्ततयसं हे नेवाः संस्कारया ब्वज्या याकेगु आदि याना वयाचवंगु दु । तापाः जूसां नेवाःतयूसं इहि, कयतापुजा, मचा जंक्व बुरा जंक्व, आदि नेवाः संस्कारत नं हना वयाचवंगु दु । नेवाः अर्गनाइजेशन अफ अमेरिकां नेवाः मस्तयत अलग हे कक्षा चायेकः नेवाः भाय स्यनेगु नं यानावयाचवंगु दु । उलि जक मखु तःदै न्ह्यो निसें नेवाः भाय्या स्कूल जगत सुन्दर ब्वनेकुथिया तःमह मस्तयत ग्वाहालि यायेगु ज्या नं यानावयाचवंगु दु । अमेरिकाया पोर्टलान्डय नेवाः भाषा, संस्कृति त्येकेगु निति दैयदसं हे न्हू दै हनाः सामुहिक म्हुपुजा यायेगु व थी थी नेवाः नखःत हनेगु जक मखु नेवाःतयूगु मौलिक वास्तुकला ब्वया सामुहिक 'नेपाः छें' दनेगु नं ग्वसाः ग्वयाचवंगु दु । ओरि गनया पोर्टलान्डय हे भाजु प्रज्वलरत्न बजाचार्यया सक्रियताय नृत्य मन्दल महाबिहार धस्वाकाः अमेरिकितय दथुइ बुद्ध धर्म व नेवाः संस्कृति वयव्य यायेगु आपालं ज्या नं याना वैचवंगु दु ।

लाइदन, द नेदरल्याण्ड

३ नम्बर प्रदेशया नांया सवालय नेवाःतपाखें सामाजिक संजालय ब्यापक चिउता

नेवाः नापं तामाडतयूगु बाहुल्यता दुगु स्वनिगः नापं स्वनिगःया जःखः चवंगु याना भिस्वंगु जिल्ला दुथ्यानाचवंगु ३ नम्बर प्रदेशया नांया सवालय नेवाःतयूसं ब्यापक रुपं चिउता प्वाकाहःगु दु । विशेष याना ३ नम्बर प्रदेशया मुख्य मन्त्री एमालेया डारमणि पौडेल जुइगु निश्चित जुइ धुनेवं आः नेवाः पहिचान मदुगु नां तइगु जुल धकाः चिउता प्वाकेगु ज्या सामाजिक सञ्जालय यानाहःगु दु । नेवाःतयूसं ३ नम्बर प्रदेशया नां नेवाः प्रदेश, नेवाः ताम्सालिड प्रदेश, नेपालमण्डल प्रदेश तयेमाः धकाः धयाचवंगु दु । सामाजिक सञ्जालय नेवाः ख्यःया न्हयलुवाःनिसें नेपालभाषा ख्यःया कार्यकर्तानिसें सञ्चाकःमितयूसं तर्क लगातार रुपं चिउता प्वाका हयाचवंगु दु । लिपांगु इलय वया पत्र पत्रिकारय ३ नम्बर प्रदेशया नां वागमती प्रदेश, नारायणी प्रदेश, पशुपति प्रदेश तयेमाः धकाः थीथी नेतातयूसं न्ववानादीगु छुं दिं लिपा हे एमालेपाखें मुख्य मन्त्री जुइमह तर्क ल्येवं नेवाःतयूसं भन हे चिउता

प्रदेश नं. ३



प्वाकाहःगु खः । अष्टलक्ष्मी शाक्य मुख्य मन्त्री जुल धाःसा नेवाःतयूगु पहिचानया आधारय नां तइला धकाः आशा यानाचवंगु अवस्थाय शाक्य संसदीय दलया नेताय पराजित जुइवं नेवाःतयूसं अफ अप्चः चिउता प्वाकाहःगु खः ।

नेवा: बुखँ

यलया न्हूम्ह कुमारी ल्यल



इन्द्रमान महर्जन, मैतीदेवी

कुमारी, गुम्ह तलेजुया प्रतीकया रुपय् नाला: वयाचंगु ख: । भीसं गुम्हेसित कुमारी कथं हना: पूजा यानाचवना, व छम्ह मिसामचा जूसां च:या रुपय् पूजा याना: वयाचवनागु दु । थौं ता:ई लिपा न्हूम्ह कुमारी ल्ययेगु ज्या: न्ह्या:गु दु ।

यलया वर्तमान कुमारी युनिका बजाचार्य लिपा: न्हूम्ह कुमारी कथं निहिरा बजाचार्य व स्वर्णिका

बजाचार्यपिन्त कुमारी कथं ल्ययेगु ज्या जुल । यलया पुलाम्ह कुमारी कथं नाजा:म्ह चनिहेरा बजाचार्यया धापू कथं स्वर्णिका:या मेमेगु थासय् सिबें नं यलय् कुमारी ल्ययेगु ज्याया प्रक्रिया विस्कं कथं दुगु खँ धयाबिज्यात ।

अले यलय् सन् २००१ स ल्य:गु यलया मू कुमारीया रुपय् आसनय् चवना: बिज्या:म्ह चनिहेरा बजाचार्य लिपा सन् २०१० अक्टोबरस समिता बजाचार्ययात कुमारी च: कथं ल्यये धुंका:

आ:या लिपांम्ह कुमारी कथं युनिका बजाचार्ययात ल्य:गु ख: ।

युनिका बजाचार्य धुंका: धा:सा आ:या न्हूम्ह कुमारी कथं निहिरा बजाचार्य व स्वर्णिका बजाचार्यपिन्त ल्य:गु ख:, वसपोलीपिं कुमारीया दाबेदार जुया: बिज्या:पिं गुम्ह मचातमध्ये निम्ह मचात छम्ह निदँ दुम्ह व छम्ह न्यादँ दुम्ह मचा मू कुमारीया दाबेदार जुया: बिज्या:गु ख: । यल:या देगुतलेजुया मूपुजारी अनन्त ज्वालानन्द राजोपाध्यायया धापू कथं यलया आ: जुया: बिज्याइम्ह न्हूम्ह कुमारी सु जुया: बिज्याइ धैगु वारे सीकेत साइत स्वया थ्वहे वइगु फागुन ५ गते क्व:जीगु धयादिल ।

आ: धा:सा कुमारीया रुपय् ल्ययेत तयारी अवस्थाय् तयातपिं मचातयत यलया देगुतलेजुया मूपुजारीया छँय् यंकुगु दु ।

किपूया बुखँ

जनसेवा स्पोर्टस मिट २०७४



ज्वजलपा वा:पौ /

वंगु माघ २१ गते पत्रकार सम्मेलन यानां न्ह्या:गु जनसेवा मा.वि.या जनसेवा स्पोर्टस मिट २०७४ माघ २४ गतेनिसें २६ गतेतक किपूया न्हूवजा:या खेलकुद मैदानय् जूगु ख: ।

जनसेवा मा.वि.या होस्टेल दनेगु ज्या जुयाचंगुलिं थाय् मगानां किपूया खेलकुद मैदानय् स्पोर्टस या: वयेमा:गु खँ जनाधारा क्याम्पस व्यवस्थापन समितिया नाय: माधव लाल महर्जन कनादीगु दु ।

जनसेवा मा.वि. व जनाधार क्याम्पसया मंका: खसालय् “जनसेवा स्पोर्टस मिटको चाहना सहभागिता, जिम्मेवारी र सफलताको कामना” नारा बियात:गु उगु खेलकुदया न्हापांगु दिं माघ २४ गते कीर्तिपुर खेलकुद विकास समाजया नायो नापं मङ्गल बहुमुखी क्याम्पसया प्राचार्य प्रदिप महर्जन रेफ्रिपिन्त बल ल:ल्लानां उलेज्या यानादीगु ख: ।

माघ २६ गते समापन ज्याभव:या मूपाहाँ प्रदेश सभा सदस्य पुकार महर्जन कासाय् त्याकूपिं कासामिपिन्त पदक, दासपौ व टुफी ल:ल्लाना दीगु ख: । उगु ज्याभव:या सभानायो प्रा.डा.रामकृष्ण महर्जन, विशेष पाहाँ जनाधार क्याम्पसया नयो माधवलाल महर्जन नापं प्रधानाध्यापक नन्दकुमारी महर्जनपिन्त कासामिपिन्त पुरस्कार इनेगु नापं नुग: खँ तयादीगु ख: ।

उगु कासा प्यंगु हाउसया दथुइ जूगु ख: । ३२ गू कासाय् स्वर्ण ३०८, रजत ३०८, कास्य ५३ पदक इनाब्यूगु ख: ।

हलिं नेवा: गुथिया गुक्व:गु दँ मुँज्या तिस्तुडय् जुइगु



हलिं नेवा: गुथिया दँमुँज्या न्हापांखुसि स्वनिगलं पिने नेवा: वस्तइ वना याइगु जूगु दु ।

थ्वहे वइगु ने.सं. ११३८ चिल्लाख्व अष्टमि (फागुन ११ गते) शुक्रवा: मकवानपुरया कुन्छाल तिस्तुडय् जुइगु हलिं नेवा: गुथिया गुक्व:गु दँ मुँज्या ज्याभवलय् गुथिं सकल कचाया ज:पिन्त अनिवार्य ब्वति कायेत इनाप या:गु खँया जानकारी हलिं नेवा: गुथिया केन्द्रीय मूछ्याञ्जे रिजु श्रेष्ठ जानकारी बियादीगु दु ।

हलिं नेवा: गुथिया मूज्याकू यँया थक्वातय् दुसा उगु गुथि ने.सं. ११२९ स पलिस्था जूगु ख: । पलिस्थाकालनिसें थौंतकया दुने स्वनिग: व स्वनिगलं पिनेया आपालं थासय् हलिं नेवा: गुथिया कचात नीस्वनेगु ज्याभव: न्ह्यानाचंगु दु ।

शान्ति सुरक्षा यात कया नागरीक सुनुवाइ



नृपेन्द्रलाल श्रेष्ठ

वंगु शनिवा: महानगरिय प्रहरी वृत जनसेवा, जनसेवा सामुदायिक केन्द्र व सामुदायिक प्रहरी सेवा केन्द्र महाकालस्थान यँया खसालय् थौं यँ महानगरपालिका वडा न २० य्

शान्ति सुरक्षा त कया छगु नागरीक सुनुवाइ ज्याभव: जुगु दु ।

स्थानीय मनु तयेसं बहनी लुटे याइपि सक्रिय जुया चंगु, लागु वास: या दुव्यसनी त गल्लीइ गल्ली वया हो हल्ला याना चंगु बिषयलय्

ध्यानकर्षण या:गु ख: । स्थानीय मनु तयेत लिस: बिइगु भवलय् महानगरीय प्रहरी वृत जनसेवाया प्रहरी नायव उपरिक्षक मोहनकुमार थापां यँ मनपा २० वडाय् शान्ति सुरक्षयात कया थ: तसकं गम्भिर जुया दु धासें वडाया स्थानीयया सहलहयाना न्ह्यावनीगु जुइ धका धयादीगु ख: । सामुदायिक सेवा केन्द्रया कार्यवाहक नाय: विकासभक्त श्रेष्ठया सभाध्यक्ष जुगु ज्याभवलय् यँ मनपा २० वडा अध्यक्ष राजेन्द्र मानन्धर, पुर्व वडा अध्यक्ष विजय श्रेष्ठ, कुमारी जात्रा व्यवस्थापन समितिया नाय: गौतम शाक्यं नं २० वडाया शान्ति सुरक्षयात कया थ: थ:पिनिगु खँ तयादीगु ख: ।

नास: पुच: किपूया शिविर



कृतुभोल किपूया खसालय् की.न.पा. वडा नं १, २, ३, १० र ९ (किपू डाँडा सीमित) व मेपिं प्यारालाइसिस (पक्षघात) या विरामीपिन्त चेतनामूलक परामर्श तथा स्वास्थ्य परिक्षणया नि:शुल्क स्वास्थ्य शिविर खचाल ।

शाहिद कीर्ति भवन, खासी बजा:या भवनय् जूगु उगु स्वास्थ्य शिविरय् फिजियो थेरापि, प्रेसर, सुगर व च्व: (पिसाव)या निशुल्क परिक्षण या:गु ख: ।

फिजियोथेरापिस्ट डा. सोनी देवया लिसं संगमिता श्रेष्ठ, समित कतिला श्रेष्ठपिं भायादीगु ख: । डा. सोनी देव प्यारालाइसिस छु जुया जुइ, प्यारालाइसिस जुल कि छु यायेगु धइगु वारे जानकारी बियादीगु ख: । प्यारालाइसिस जुया न्यासि जुइमफुपिन्त फस्ट स्टेप प्रि लर्निंग स्कुलया गाडी उसाय मदुपिन्त छँथासं हयगु ज्याय् निशुल्क सेवा या:गु ख: । किपू नगर पालिकाया ग्वाहालिं जूगु उगु ज्याभवलय् ग्वाहालिया:पिं जन पोलिक्लिनिक नयावजार, कीर्तिपुर अस्पताल (फेक्ट) देवढोका, विष्णुदेवी हेल्थपोष्ट, पालिफल स्वास्थ्य चौकी, खासिबजार किपू, नेपाल फिजियोथेरापी एशोसियसन (NEPTA) चेलीवेटी समूह कुटुभोल ख: ।

नेपाःया पत्रकारिता ख्यलय् नेवाः पत्रकारपिनिगु योगदान



समावेशी संचारया न्ह्यलुवाः वाडमय सताब्दी पुरुष सत्यमोहन जोशी

श्रीकृष्ण महर्जन

व्वनादीम्ह वयकःया जातःनिसं वंश अले वयकःया ल्हाः अर्थात् हस्तरेखाया बारे तर्क च्वये धुंक्नु दु । मानौ कि वाडमय शताब्दी पुरुष सत्यमोहन जोशीया बारे मच्चःम्ह थौया इलय् च्वमि हे जकं मजुइगु खः ला धकाः तर्क मनूतयसं तायेकाहःगु दु ।

सत्यमोहन जोशीया बारे थुलिमच्छि सफू पिदन अले च्वसूत पिहां वःगु जूसां न वयकलं नेपाःया पत्रकारिता ख्यलय् यानादीगु योगदान व अनुभवया बारे धाःसा खास हे पिदंगु मदुनि धकाः वयकः थःम्ह हे स्वीकार यानादीगु दु ।

नेपाल संवत् १०७३ सिल्लाख पञ्चमी अर्थात् २००९ साल माघ महिनाय कलाकार पत्रिका न्हापांगु ल्याः पिदंगु खः । सत्य साहित्य सदन बखुंबहाल यल प्रकाशक अले सत्यमोहन जोशी सम्पादक जुया त्रैमासिक पत्रिका पिथंगु खः । नेवाः भाय् व खय् भाय् याना निगू हे भाय् दुथ्याकातःगु उगु पत्रिकाय् रंजना लिपि तर्क छ्यलातःगु खने दु ।

सदर पुलिस गोश्वारापाखे अनुमति कया कलाकार नांगु पत्रिका पिथंगु खः । उगु पत्रिका नेपालभाषा, नेपाली, हिन्दी व अंग्रेजी भासं पिकायेत अनुमति बियातःगु दु । २००९ साल पौष २१ गते उगु अनुमति पौ बियातःगु खने दु ।

अवले पत्रिका पिकायेगु नितिं स्वीकृति कायेत अंचालाधिष, सिडियो वा छुं नं कार्यालय मदु ।

देशय प्रजातन्त्र वये धुंक्नु जूसां नं राणातयगु नियम कथं जुयाच्वंगु संचालन जुयाच्वंगु अले प्रशासनय् न्हूगु संरचना हे तयार मजुनिगु ई खः । अवले पत्रिका पिकायेगु

नितिं येया हनुमानधवाखाया सदर पुलिस गोश्वाराय् वना स्वीकृति कायेवं गाः ।

अले इमिसं हे पत्रिकाया विषयवस्तु सेन्सर याइगु खः । उगु इलय् सत्यमोहन जोशी सम्पादक जुया कलाकार नांगु पत्रिका पिकाःगु खःसा पत्रिकाय् रञ्जना लिपि तर्क छ्यलातःगु खने दु ।

उगु निगू अंक तक पिदंगु कलाकार नांगु पत्रिकाय् कलाकार अरनिकोया बारे नं पिथनागु खः । त्रैमासिक पत्रिका निगू अंक जक पिदन अले स्वंगू अर्कनिसं दिनावंगु खः । उगु इलय् कलाकार त्रैमासिक स्वंगू अंक पिकायेगु ज्या यानाच्वनागु इलय् चन्द्रमान मास्केया नेतृत्वय् नेपाल आर्ट सोसाईति दयेकल ।

उगु इलय् सत्यमोहन दाई नं पिकायच्वंगु कलाकार पत्रिका संस्था पिकायेगु धकाः मुख पत्र याना पिकायेगु धाल । सकलसिगु सहमति दत । लिपा उगु संस्थाया अध्यक्ष हिल । चन्द्रमान मास्केया थासय् कालिदास श्रेष्ठ बल । संस्थाय् ल्वापु जुल । समस्या बल अले संस्था नं भंग जुल । अनं लिपा पत्रिका नं पिमदन । थुगु कथं कलाकार पत्रिका दिनावंगु खः ।

वाडमय सताब्दी पुरुष सत्यमोहन जोशीया पत्रकारिताया अनुभव तसकं महत्व दु । अवले हे धीधी भासं पत्रिका पिथनादीगुलिं थौं समावेशी संचारया बहस जुयाच्वंगु अवस्थाय् वयकः छम्ह समावेशी संचारया न्ह्यलुवाःया रूपय् नाला कायेफइगु नापं वयकःया योगदानयात कदर यायेमाःगु आवश्यकता दु ।

थनि गुइ न्हयदंसिबें न्हयः विक्रम संवत् १९७७ वैशाख ३० ऐतिहासिक नगर यलया बखुंबहाः यलय् जन्म जुयादीम्ह सत्यमोहन जोशी गुइन्यादं दुगु इलनिसं शताब्दी पुरुषया रूपय् जनस्तरं घोषणा याःगु खः ।

लिपांगु इलय् वया ला भन राजयं हे वाडमय शताब्दी पुरुष धकाः सत्यमोहन जोशीयात उपाधि बिया सम्मान यायेगु ज्या तर्क याःगु दु । वयकलं नेपालभाषा, खय् भाय् नापं याना ७० गूसिबें अप्ठः सफूत च्वयादी धुंक्नु दुसा वयकःया बारे नं दर्जनौ सफूत पिथने धुंक्नु दु । वयकलं जीवनय् मुंकादीगु हरेक सवालय् सफू वा च्वसूया रूपय् पिदनाच्वंगु दु । दरवार हाइ स्कूल व त्रिचन्द्र कलेजय्

नेपाल पत्रकार महासंघया संस्थापक नायः सत्यनारायण बहादुर श्रेष्ठ

नेवाः पत्रकार राष्ट्रिय दवू यल कचाया ग्वसालय् जूगु छ्गु ज्याभ्वलय् थः अबु सत्यनारायण बहादुर श्रेष्ठया किपाः सार्वजनिक यानादिसं वयकःया म्थ्याय् एभिएम स्कुलया प्रधानाध्यापक सुजिता मानन्धर धयादील कि-जितः खास लुमं मजु तर पत्रकार संघया संस्थापक अध्यक्ष कृष्णप्रसाद भट्टराई धकाः रेडियो धाःबलय्, चर्चाय् वःबलय् “थ्वयागु ला नां वःगु ! धकाः न्हिलाः धाःगु लुमं” धयादिल ।

थ्व धइगु सत्यनारायण बहादुर श्रेष्ठ दनिगु इलय् पुलांम्ह प्रधानमन्त्री कृष्णप्रसाद भट्टराई नेपाल पत्रकार महासंघया संस्थापक नायः धकाः घोषणा याःगु ईया दृष्य खः ।

२०५३ सालय् नेपाल पत्रकार संघयात महासंघय् हिलेगु ज्या याःगु खःसा अनं लिपा कृष्णप्रसाद भट्टराईयात संस्थापक नायः घोषणा यायेगु प्रस्ताव वःगु अले विधान संशोधनया भ्वलय् २०५४ सालय् जूगु महाधिवेशनं जक उकियात कार्यान्वयनय् हःगु खः ।

अवलेनिसं नेपाःया सकल पत्रकारतय्गु मंकाःगु संगठन नेपाल पत्रकार महासंघपाखें संस्थापक नायः कृष्णप्रसाद भट्टराई खः धकाः प्रचार याना वयाच्वंगु खः ।

नेपालय् दक्कले न्हापां सत्यनारायण बहादुर श्रेष्ठया नेतृत्वय् २००८ सालय् ‘नेपाल पत्रकार(संघ)’ नांया पत्रकार तय्गु संस्था नीस्वंगु खः । पत्रकारिता व्वनीपिन्सं थ्व खँ स्यु, छायाध्याःसा पत्रकारिताया हरेक विद्यार्थी व्वनीगु ग्रीष्मबहादुर

देवकोटाया ‘नेपालको छापाखाना र पत्र-पत्रिकाको इतिहास’ सफूया पौल्याः १४९स थ्व खँ स्पष्ट कथं च्वयातःगु दु ।

वि.सं २००९ वैशाख २८ गते आर्य समाज मन्दिर, भोताहितिइ जूगु थुगु संघया निक्वःगु सभां ‘नेपाल टुडे’या सम्पादक सत्यनारायण बहादुर श्रेष्ठयात हे सभापति ल्यल । देवकोटां थःगु सफुतिइ निगूगु कार्यकारिणी समितिया दुजःलिसं वयकःपिं आवद्ध पत्रिकाया नां बियादीगु दु । लिसं संघया साधारण दुजःतय्गु नं नां बियादीगु दु, गुकी गोविन्दभक्त जोशी, आशाराम शाक्य, रूद्रलाल मुल्मी व पूर्णकाजी लिसं मेमेपिनिगु नां बयाच्वंगु दु ।

श्रेष्ठया नेतृत्वय् नीस्वंगु नेपाल पत्रकार संघया आज्जु खः – ‘नेपाःया पत्रकारत व नेपालं पिनेया नेपाली पत्रकारतय् संगठित यानाः इमित माःगु सुविधायो नितिं कृतः यायेगु व नेपालं पिनेया पत्रकारतलिसे स्वापू तयाः नेपाःया श्रमजीवि पत्रकारतय्गु व समाचारपत्रतय्गु अधिकारया रक्षा यायेगु!’ थुकथं स्वयेबलय् पत्रकार व प्रकाशनया अधिकारया रक्षा यायेत पत्रकारतय् संगठित यायेमाः धइगु विचाः वयकःयाके उबले हे दु ।

थुकथं संगठित रूपं पत्रकार व प्रकाशनया हकहितया नितिं पलाः श्रेष्ठ न्ह्याकादीगु खः । लिपा वि.सं. २०१२ साल चैत १६ गते कृष्णप्रसाद उपाध्याय (भट्टराई)या नेतृत्वय् नेपाल पत्रकार संघया पुनरगठन याःगु खः । २००८ सालनिसं सुरु जूगु नेपाल



पत्रकार संघया इतिहासयात हुयाः २०१२ सालं नीस्वंगु संघया सभापति हे संस्थापक खः धकाः नाला यानाच्वंगु दु । सन्त नेता भट्टराई नं गबले नं थःत पत्रकार संघया संस्थापक धकाः दावी यानामदी ।

यलया नांजाःगु आदर्श विद्या मन्दिर व्वनेकूया संस्थापक नं खःम्ह श्रेष्ठ लिपा पूर्णरूपं शिक्षा ख्यलय् सक्रिय जुयादीगु खः । वयकः २०६० जेठ ९ गते क्यान्सर ल्वचं मदुगु खः ।

साहित्य उपन्यास- भृकुटी

स्व.धर्मरत्न यमि

स्व.धर्मरत्न यमिया निगू उपन्यास भृकुटी नै.सं. १०८० सं च्वसापासा पाखें पिदंगु खः । उगु इलय्या सर्वश्रेष्ठ सिरपा "श्रेष्ठ सिरपा" कायेत नं ताःलाःगु उपन्यास खः भृकुटी । ध्व उपन्यासया निगू संस्करण नै.सं.१०८३ व स्वंगू संस्करण नै.सं.१०९३ लय पिदंगु खः । थुगु उपन्यास थौकन्हय बजारय न्यायेगु मदयधुंकल । पाठक पिनिगु इनाप कथं ध्व उपन्यास छसिकथं पिथनेगु कुतः यानागु खः - सम्पादक

भृकुटी-३

कथं ...

पिने हयकया वःपिं शत्रुयागु छगू धन्दा, व दुने नय त्वने, पुने व अने तनेया अभाव थना तःपिं प्रजापिनिगु संतोषयागु पीर ध्व निता जुजुयात निन्दु तक लायकुलिं पित मकाल । धन्दा व सुर्ता जक कयाः जुजु च्वंचंगु मखु, ल्वापु दिकेगु ग्वसाः ग्वयगुली लीन नं जुया च्वन । लायकू कवः लायकू खलः व देशया सःमि, थूमि, लिजांमि, न्यज्जामि ब्याक्क नाप खँ नं व ब्याका च्वन ।

वर्हानिसिया नयनिय धुंकाः जुजु कोथाय वल । भृकुटी व महारानीया अथे खँ-खँ ल्हाना च्वन । जुजुं छथासं मांम्याय च्वंचंगु खनाः न्वहसा नकिले खाखां धाल, "सो, महारानी ! छं म्याय नं दुथाय थौं धाय, ल्वापु दिकेगु उपाय भृकुटी मैयात सँमि जुजु श्रोड चेन् गंपो नाप इही याना विङ्गु हे छता सिवाय मदु, गजानन् गुरुवाज्यायागु खँ न्यनाः सँमि म्हेक्षयात नं भगी थकूकवःया म्हाय मचाः बियगुला ? धकाः न्यसः हे न्ययन्थ मते !" जुजुयागु खँ न्यनाः भृकुटीया न्यताः च्यात । मछालाः भ्याःफले फयत वन । सर्गःया नगुत् स्वस्व सुपाचे लुम्ह मिजं लुमना वल । लिपा हानं व हे सुपाचं क्वहाँवनाः सल गयाः तःल्वापु ल्वाः वना पराक्रम क्यंगु खन । हानं तःगोगू ल्वहँते चुलुबिया दम्ह मिजं गुम्हसें सदशया जुजु जि श्रोड चेन् गंपो खः धाःगु खँ ब्याक्क लुमना वल । नुगले लयता भयभय बिया वल, गुगु ख्वालं नं मछिक थूक व मछायक सी दया वल । तुतिया पचिनं बँम्हल म्हुतुया वां गाचो न्यलय । ल्हाःया पचिनं सचिका म्वेयम्वेय म्वेय थ्यात । नगुत्सें व ब्याक्क थू पहः याना नयथे नयथे स्वया च्वन । त्वाःबवाया मत(त्याः न्यासिचाचां च्वाकिं, पहलं कुँ ल्हव ल्हवं च्याना च्वन । गुकी हुला च्वन । व मतया नाप च्वंगु अंगले च्वयातःगु वीरकुश

जातकया अंगः पौभाले भृकुटीया मिखा अथे हे लाः वन गुकी सुदर्शनया लागी वीरकुश प्राणपानाः तःल्वापु ल्वाना च्वन, गुगु स्वयाः श्रोड चेन् गंपो नं थौं थः भृकुटीया लागी हे ल्वावःगु थें च्वन । ब्याक्क कल्पना भंग ज्वीक महारानीं तमं मि जुयाः जुजुयात लिसः विल, "ज्वीगु धकाः ल्हायगु बांलाः, थपाय धंगु नेपालया जुजु जुया उकिसनं थकूजुजु सूर्यवंशी धायकाः म्लेक्ष जुजु सँमि जुजुयात म्हायय बियगु ! बरु मगधया छम्ह म्हाचिचत विय, व सँमियात वीमखु, क्षत्रानियात म्लेक्षया ल्हाते लः ल्हायगु खँ ल्हायत मछाःनं मजु ला ? जातिया अभिमान नं मदु ला ? ल्हायमते ! किपां जक दायक्य मज्यूम्ह ।" धकाः महारानी खेय खेय तुतुं हाल ।

"शुद्र ब्रम्हायागु तुतिं वा पालिं श्रुष्टि जूगु खःसा, ब्रम्हण व क्षेत्रीं शुद्रयात धकाः न्हिन्हिं तुति भागियाः नयमाः ! ब्रम्हाया वा ईश्वर यागु म्हुतु, ल्हाः, प्वायात ला गुबले सुनानं भागियाःगु मखना, पालि जक भागि याःगु खना, उकिं ईश्वर या पालीं शुद्र श्रुष्टि जुसेलि ईश्वरया साक्षात् पाली ला शुद्र धकाः जुल । ब्रम्ह ब्राह्मणपिनि बाखं जक न्यनि, बाखंयात तक याना छको न्यंगु मखु । उकिंला मिसातयत ब्रम्हण बाज्यापिसं पशुयागु ल्याखे ल्याः ख्यानाः तःगु ।" धकाः जुजुं धाल ।

मां वौया खँ न्यन्थं मुमुंरे जुयाः तंम्बेका च्वंम्ह भृकुटीं वाथाक्क दनाः धाल (छुले सा थौं छुं नं जिपिं मिसापित ब्रम्हण शास्त्रं थें पशुयागु ल्याखे हे ल्याः ख्याका तयगुला ले ! मथूगु थ्वीका बियगु वौया धर्म खः । तर गिजे यानाः तुच्छ यायगु धर्म मखु । थुलि बौम्हसित धयाः फरक्क मांम्हेस्या पाखेर स्वयाः धाल (सु देशया सुं मनूयात सुं देशया सुनानं नं म्लेक्ष धायगु सुयात अधिकार मदु । वीपिसं विय मविययागु निर्णय याय जक फे । वनिम्हेसें वने, मवने जक धाय फे । उकिं थौं जि मांयात ल्हाःनिपां ज्वज्वलपा बिन्तियाय

थौं अबुजुयात छन्त जितः व भूगीगु जातयात जक न्यसः न्यसःने वै च्वंगु मखु, ध्व देश नेपाल व नेपालीतयत न्यसः न्यसःने वै च्वंगु दु । तःल्वापुयागु भारं क्वचियाः प्रजा (तःमि, चीमि, ज्यामि, ज्यापु, तःसिं ब्याक्केसं हाहाकार जुया च्वन । विद्रोह ज्वीगु संभव दना वया च्वन । उखेर हयका वःपिसं थौं सा थौं कन्हे सा कन्हे र जधानीयात धू यायगु फुँई तोता च्वन, भी म्हांत व म्हां नायःतसें मत्याइगु खँ ल्हाना हय धुंकल ! थज्याःगु आपत विपतया वखते देशया अधिपति जुजुयागु निर्णययात जात पातयागु बकंफुसुलुगु फांय फुँइले हे ब्वेका व्हेगु धर्म मखु, राज धर्म ला भन हे मखु । नीति शास्त्रे च्वया तःगु म्हायय मचा बियाःसां स्वार्थयात साधन या ।" ध्व मातृभूमिया लागी जि सुयाकेपेहेन वनेत जक मखु, जिगु ला कुचा कुचा यानाः सिना वनेत नं जि न्ययावले जँतिया च्वनागु दु । जिगु जीवनया पासा ल्येगु अधिकार जितः नं दु । उकिं नं नेपाल, नेपाली व नेपाल जुजु अंशुवर्माया लागी जि न्ययागु ज्वीत नं न्ययागु यायत नं न्ययावले न्योने दु । संघ मित्रां धर्म विजयया लागी गृह त्याग याय फसेलि जि देशया लागी वकं फुसुलुगु जातीय अभिमान छाया त्याग मयाय ?"

म्हायय भृकुटीयागु प्रतिज्ञा न्यनाः जुजु अंशुवर्मा दुगःक्वे तःथंकाः धन्यवाद विल । महारानी फन फने जुया प्यहाँ वन । मां वौपिनि न्योने तस्सकं गुबले हे न मवाःम्ह भृकुटीया म्हे थौयागु गरजन तर्जनं चरति नाःना वल । च्वाकिं पहः वयक फ्यारा फ्यार । भारा भारा ससं च्याना च्वंगु त्वाःबवाया मत नं फिरक्क मसंसे एक नासं च्याना च्वन । बौम्ह जुजु अंशुवर्माया ला लयताया माःचाः हे दुगु मखु । तर, जुजु म्हायय यात "धन्यवाद ।" धका छको धाःगु छसः सिवाय मेगु सः पिकाय फुगु नं मखु म्हाययम्ह भृकुटी नं मेगु छसः जक हे पिकाय फुगु मखु । भृकुटी ताउत अन च्वना च्वन्य मफे

वल फरक्क फहिलाः प्यहाँ वन । लयताया सासः ल्हानाः जुजु लासाय गोतुल ।

इयागु

कुनातःपिं तामाड लामा व शेपां लामा निम्हेसिसतं लायकुली सन्मान पूर्वक थ्याकल । थपिं लामापिसं तःल्वापु दिकेगु उपाय दु, धाःगु खः, तर अबले थपिं सँमितय चिवांमि ज्वी धैगु शंकां थमिगु खँ हे मन्थसे हे "श्रोड चेन् गंपोयात नेपाल जुजुया म्हायय पेहेन ब्यूगु घरी तःल्वापु मदी हे मखु, चीन नाप नं ल्वात ल्वात चीन सप्पटया म्हायय बिय वं ल्वापु दिक्कल । धकाः धाःगु जुयाच्वन । उकिं थपिं लामा जुपिन्त लीमियागु ज्या(खँ क्वबुई काः श्रोड चेन् गंपोयाथाय व्छत । नापं नेपाल जुजुया पाखेरं थाना कापः छसाः, नालु लाकां छजु, वनारसी तास छसाः, तिनिखाः छसाः, भिंपूयागु जःमूमाः छमाः व शाक्यासिंहयागु मूर्ति छम्ह नं उपहार बिया व्छत ।

लायकूयागु ल्वहँचुके पिता, कपी छाहाँ, न्हायकां, व अं दयक्य बियत सिंकाःमि, तिसा दयक्य बियत लूकाःमि, बसजाः दयक्य बियत तवः लुखा चक्कत पुड, वसः सुइक्य बियत सुचिकाः, मरी छुक्य बियत मरीकाःमि मुंकाः सल्हा यायगु ज्या खँ राज्य पाखेरं जुया च्वन । निन्दु लिपा लीमित निम्हं भृकुटी कायगु कोज्यूगु खँ ज्वनाः राजधानी थंकाः वल । नेपामि जुजुं थःम्हायय वीगु जूगु लयताया उपलक्षे सँमि जुजु श्रोड चेन् गंपो छकुत्या हाकःगु चुफी छपु, सल छज्वः, नंवु छसाः मासटी लासा छज्वः, कस्तू व्यं निब्यं, दुरु खः, धौख्यः व संखोसिं उपहार बिया हःगु नं थंकाः वल । गुगु उपहार अमि वोन धर्म गुरयागु नायकत्वे हःगु जुया च्वन ।

वोनधर्मगुरयात राजकीय सन्मान पूर्वक स्वागत जुल । गुगुलिं व तःचकं लयताल । दक्ले राजधानीयागु नगर व नगरया छेंया पौ, भ्याः, लुखा, फलेचा, देगः, चीबहाः, बहाः, बही व लायकू खनाः तचकं अजुगति ताल । भृकुटी लानी मैयागु लाउन खना ला भन हे लय लय ताल । च्वाक्क बोन धर्मगुरया म्हुतुं "नेपामिया लानीमै चीनया लामिमैजु स्वयाः छुकीसनं खिनेथाय जक मदुगु मखु, व स्वयाः आपालं बाँहे लाः जू" धकाः खँ प्यहाँ वल । वयागु सँमि भाषायात नेपामि भाषां कन्यगु ज्या तामांङ व शेपां लामापिसं यात ।

जुजु समेत लयलयतातां लिमलाः फमलाः पेहेन्हया ज्वलं ज्वरे यायत सना जूगु खनाः

महारानीया भन तं प्यवाँ वल । तुच्चायानाः च्वंगु इले लाकाः महारानीं तमं मि जुयाः जुजुयात धाल, "महाराज ! छम्ह आर्य जुजु जुयाः म्लेक्षयात म्हायय लः ल्हायगु हे छगू क्वत्यंगु, क्वपुगु ज्या ज्वी धुंकल । उकीसं व हे ज्याय जुजुथ्ये ज्याम्ह जुयाः इपःमिपः कंक सना ज्वीगु लोगु ज्या मखु । ध्व छु थः सेमलाःगु चिड मखुला ?"

महारानीया खँ न्यनाः जुजुं छयौं जक ल्हकू ल्हकू संकाः तुच्चा यानां च्वन । भचा उखेर च्वनाः इता वाना च्वंम्ह भृकुटी फरक्क मांम्हेसिगु पाखेर स्वयाः व भचा गंभीर जुयाः धाल, "सो मां ! मां वौपिनिगु खँ कयाः म्हायच क्वात्तु क्वाना च्वन्यगु बांलाःगु खँ मखु । तर छं आम सलं वांन्याय थ्ये ज्यागु जिटी मतोतुसा ज्याखँ बां नं लाई मखु वनारसी तास छसाः, तिनिखाः । देशधर्म, राजधर्म, कुलधर्म नापं मनूया थःथःगु धर्म धैगु नं दु । गुगुयात जि थये हे खँ जूगु वखते उखुनु तिति ध्वाथ्वीका कन्य नं धुंगु खः । आः हानं धाय जि "ध्व आर्य, अनार्ययागु खँ, मानव धर्म विश्वास दुपिसं धाइगु खँ मखु । सुनानं थःत आर्य धकाः कर्क्यात म्लेक्ष धकाः बो बियगु सुयात अधिकार मदु ! वेदे नं ला "कृष्ण वंतु विश्वमार्यम्" अर्थात् विश्वयात हे आर्य याना छे, धकाः धैतःगु हे दु । गुगुयात दक्ले न्हापां सकस्यां मंकाःम्ह धर्मगुरु (सम्यक् संबुद्ध ज्यां हे यानाः क्यना थकल । लिपा वसपोलया परम श्रद्दालु जुजु अशोक थः म्हायय, काय्या गृह त्याग याकाः व हे आर्य धर्म विदेशे प्रचार याके व्छत । थौं जि थःगु धर्म ज्वनाः जक मखु, देशयात वै च्वंगु आपतयात नं तंकाः सँमिपिं व भूमी नेपामिपिं नापया गाथियात जुग जुगतक सेल्लाक चियगु ज्या यायत निश्चिते जुया च्वने धुन, आम खिसि खिसि खँ ल्हानाः च्वनेमते ! आः ध्व ज्या छंला छु, नेपाल जुजु अंशुवर्मा हे पन्य फे मखुत, जि आर्य पुत्री खःसा ध्व ज्या ज्वीक्यत प्राण पानाः नं ज्वीके !"

"छु छ आमपायधंम्ह जुयधुन मखुला ! मांयागु खँ नं सेवे तय म्वाःल का !" धकाः महारानी भृकुटीयात नुगःस्यागु सलं हानं धाल । अले भृकुटी नाईक लिसः विद्याः धाल- "छं गुगु धया च्वन, व सत्यगु खँ खयफु । तर, ध्व खँ ख हे मखु कि छन्त जिं सेवे हे मतसे धै च्वन । हानं ध्व खँ जिं तपयंक व यच्चुक धैनं बिया कि ध्व ज्या कोछयूगुया दोष अबुजुयात जक बिय नं दै मखु । हानं ध्व नं धैबिय कि ध्व ज्या गुगु ज्वीगु जुल व वीरता पूर्ण

मखु । तर, नीति पूर्ण खः । थुकी भूगीगु दुर्बलता अवश्य दु । न्यायम्ह मनूयाके नं दुर्बलता दै, पूर्णता सुयाके नं दैमखु । छयाय फ्वाययानाः ज्या ज्वीकेगु थुमिपिनि ज्या ज्वी । ध्व खँ छं नं स्यू जिं नं स्यू संसारं स्यू । थज्यागु दुर्बलताया लागी सुयातं मभिं धायगु पायछि मजु । थुगु हे प्रकारं न्यायम्ह मनुष्याके नं दुगु दुर्बलता वा दोष क्यनाः मभिं धकाः मनूया मनू शत्रु जू जूसा सुयां सुं मित्र दै मखु, थः धैम्ह दै मखु, गुगुलिं यानाः सुयां मुक्ता दैमखु । जन जीवन नं भ्यातुसे च्वना वै । मनूयागु ला ध्व धर्म जुइमाः कि न्यायम्हिसगु दुर्बलता वा दोष प्रति सहानुभूति दयमाः उकियात मदयका बियत ग्वाहाली यायमाः, धासैलि ध्व ज्याय दोष हे, छं छु खना धकाः ? क्वात्तु जक क्वाना जुयत !"

"जातिय धर्म अथवा कर्तव्ययागु न्योने सहानुभूति वा दया मायायात छं स्थान दै मखु । दुर्बलतायात हेला यानाः उकियात चप्फुना व्हेगु हे पायछि जू ।" धकाः महारानी धाल ।

थुकी भृकुटी न्हिल, अले मांया मूर्खताय करुणा करुणा तयाः धाल ("मनुखं न्हापा लाक ला थःगु हे दुर्बलतायात चःफुना वंतु विश्वमार्यम्" अर्थात् विश्वयात हे आर्य याना छे, धकाः धैतःगु हे दु । गुगुयात दक्ले न्हापां सकस्यां मंकाःम्ह धर्मगुरु (सम्यक् संबुद्ध ज्यां हे यानाः क्यना थकल । लिपा वसपोलया परम श्रद्दालु जुजु अशोक थः म्हायय, काय्या गृह त्याग याकाः व हे आर्य धर्म विदेशे प्रचार याके व्छत । थौं जि थःगु धर्म ज्वनाः जक मखु, देशयात वै च्वंगु आपतयात नं तंकाः सँमिपिं व भूमी नेपामिपिं नापया गाथियात जुग जुगतक सेल्लाक चियगु ज्या यायत निश्चिते जुया च्वने धुन, आम खिसि खिसि खँ ल्हानाः च्वनेमते ! आः ध्व ज्या छंला छु, नेपाल जुजु अंशुवर्मा हे पन्य फे मखुत, जि आर्य पुत्री खःसा ध्व ज्या ज्वीक्यत प्राण पानाः नं ज्वीके !"

अले भृकुटी नाईक लिसः विद्याः धाल- "छं गुगु धया च्वन, व सत्यगु खँ खयफु । तर, ध्व खँ ख हे मखु कि छन्त जिं सेवे हे मतसे धै च्वन । हानं ध्व खँ जिं तपयंक व यच्चुक धैनं बिया कि ध्व ज्या कोछयूगुया दोष अबुजुयात जक बिय नं दै मखु । हानं ध्व नं धैबिय कि ध्व ज्या गुगु ज्वीगु जुल व वीरता पूर्ण

मखु । तर, नीति पूर्ण खः । थुकी भूगीगु दुर्बलता अवश्य दु । न्यायम्ह मनूयाके नं दुर्बलता दै, पूर्णता सुयाके नं दैमखु । छयाय फ्वाययानाः ज्या ज्वीकेगु थुमिपिनि ज्या ज्वी । ध्व खँ छं नं स्यू जिं नं स्यू संसारं स्यू । थज्यागु दुर्बलताया लागी सुयातं मभिं धायगु पायछि मजु । थुगु हे प्रकारं न्यायम्ह मनुष्याके नं दुगु दुर्बलता वा दोष क्यनाः मभिं धकाः मनूया मनू शत्रु जू जूसा सुयां सुं मित्र दै मखु, थः धैम्ह दै मखु, गुगुलिं यानाः सुयां मुक्ता दैमखु । जन जीवन नं भ्यातुसे च्वना वै । मनूयागु ला ध्व धर्म जुइमाः कि न्यायम्हिसगु दुर्बलता वा दोष प्रति सहानुभूति दयमाः उकियात मदयका बियत ग्वाहाली यायमाः, धासैलि ध्व ज्याय दोष हे, छं छु खना धकाः ? क्वात्तु जक क्वाना जुयत !"

कथं.....

इसासं सुभाय देछात

साहित्य -चिनाखँ



ज्वलपा वाःपौ

नेपाल सम्वत ११३८ सिल्लाख्व द्वितीया (माघ ५ गते) शुक्रवाः किपूया हिलसाइड होटल्य जूगु इन्द्रेणी सांस्कृतिक समाज (इसास) या "मिसा सः" सांस्कृतिक ज्याभवलय व्वति कयादिइपिं कलाकारपिं नापं ग्वाहालि यानादीपित सुभाय देछाल ।

मिहा ने.सं.११३८ सिल्लागा दशमी (माघ २७गते) खुन्हु किपू न्हूवजाःया वरगर हाउसय् छगू ज्याभवः यासँ सुभाय देछाःगु खः । इसास किपूया नायः विरप्रसाद भन्सारीया सभानायोसुइ छयाञ्जे रामकृष्ण महर्जनं न्त्याकादीगु उगु ज्याभवलय उपाध्यक्ष दिलिप कुमार महर्जनं लसकुस न्वचू बियादीगु खः ।

मिसा सः सांस्कृतिक ज्याभवलय व्वति कयादीपिं मध्ये रीता महर्जन, दीपा महर्जन, रत्नशोभा महर्जन, रानीशोभा महर्जन, मिना महर्जन, विरमाया महर्जन, स्वस्ति महर्जन व रफेला महर्जन (मचाम्ह कलाकार) नापं वाद्यवादक सन्तोष महर्जन व न्हुच्छे दर्शनपिं भयादीगु खः । थुगु सम्मानं व ज्याभवलय थःपिनित यक्व हःपा ब्यूगु व किपूया म्हासिका विइत ताःलाःगु रीता महर्जनं धयादिल ।

सभा नायो नापं इसासया नायो विरप्रसाद भन्सारी किपुली जूगु मिसा सः ज्याभवलय हलिमय तर्क किपूया नाजाःगु, थुलिमछि मिसा कलाकारपिंन्सं छगू हे ज्याभवलय म्ये हाःगु छगू ऐतिहासिक जूगु खँ कनादिल ।



कुष्ण किपू
भरिया पुखुसी,
किपू-१०

जिं छुं नं मस्यू

जिमि वाजे बराजुया इले पोचाय् चोना न्यां भाग काइपिसं न्हिथं ज्यासना नयीपिं ज्यामित अले सोसित पिडित गरिव किसानयात हेपे याना वयाचोंथे

आः जिगु इलेनं तःमिपिसं चिमिपिन्त हेपे याना वया चोंगु दु वर वधु मिसा जोइटिगे मिजयात हेका वयाचोंथे

न्हिथं हरि भजन याना

द्यो भक्तिजुया द्यो पुजा याना जुयीपिसं दक्षिणकालीयात पञ्चवलि बियाचोंगु दु ।

ग्रमिण अर्थ शास्त्रीतयसं गांयात हेपय् याना चोंथे देया नायो जुयाचोंपिं

जन नेतातयसं जनतायात यक्को हे हेका वयाचोंगु दु

गो गन थन सुना छु यानाचोन जिं ला छुं नं मस्यू ।

नवाः राः, राः, १०६.६

नेवाः सः

नेवाः एफ. एम. १०६.६



नेपालभाषा
एकेदेमिया नितिं
अनक मिडिया
प्रालिया न्ह्यव्वया

newafm.com.np

आः न्हिच्छि चच्छि विश्वया न्ह्यागु

कुनय् च्वना नं न्यनादीफइ ।

नेवाः एफ. एम. न्यनादिसँ

नेवाः जुयाया गौरव यानादिसँ

नेवाः एफ. एम. १०६.६

न्यामासिमा, द्यःधवाखा, किपू-२

फोन ४३३४२२२ ईमेलः

ankmedia.newafm@gmail.com

बिचाः हायेका

बुदिं

वि.सं.

१९९४/६/१२



स्व. हिरादेवी बज्राचार्य

मदुगु

वि.सं.

२०७४/१०/१५



ज्वलपा व कीर्तिपुर सन्देश वाःपौया ग्वाहालिमि अशोकमुनी बज्राचार्य व इश्वरमुनि बज्राचार्यया मां हिरादेवी बज्राचार्य थ्वहे ने.सं.११३८ सिल्लाख्व त्रयोदशी सोमवार खुन्हु चय्दं (८०)दँय् मदुगुलिं मुदुम्हेसिया चित्तशान्ति जुया सुखावति भुवनय् बास लायेमा धकाः कामना यासँ दुःखंकःपिं सकल छँजःपिन्सं मन चिइफयेमा धकाः बिचाः हायेका च्वना ।

ज्वलपा वाःपौ

कीर्तिपुर सन्देश साप्ताहिक

निखासी, नयाँ बजार, किपू-१०

बिचाः हायेका

बुदिं

वि.सं. १९९०

गथांमुगः चन्हे



मदुम्ह जनकलाल महर्जन

मदुगु :

वि.सं.

२०७४/१०/२२



थुगु वाःपौया भिंचितामि व ग्वाहालिमिपिं भाइलाल महर्जन व ई.गणेशवहादुर महर्जनया अबु जनकलाल महर्जन ने.सं.११३८ सिल्लागा पंचमि (माघ १०गते) दँय् मदुगुलिं मुदुम्हेसिया चित्तशान्ति जुयाः सुखावति भुवनय् बास लाय्मा धकाः कामनायासँ दुःखंकःपिं सकल छँजःपिन्सं मन चिइफय्मा धकाः बिचाः हाय्का च्वना ।

ज्वलपा वाःपौ

कीर्तिपुर सन्देश साप्ताहिक परिवार

निखासी, नयाँबाजार, किपू-१०